

Քարանդինայի տեղի և հիւանդանոց, որք սիրելիք են եւ հաճոյ կամաց ազնուական Ազգապետաց, այլ եթէ 'ի մէջ մեր լինի հակառակութիւն, զիսոյդ լինիցեն սքեա » :

Գ Լ Ո Ւ Խ Ծ Է .

Խնդր բանալաց արտաքին և ներքին դրանց, զոչ աստիճանաց Բեթղէհէմի եկեղեցւոյն և չորից սենեկաց Դ Ս. Յարութեան : Բարձունքն կանթեղացն Հայոց յեկեղեցւոյն Բեթղէհէմի, և վերստին կախել զՅունացն :

Թէ՛ՊԷՏԵԻ Հայք տրտմեցան ընդ ձախող ելիցն իրաց, մանաւանդ ընդ խափանումն բանալոյ արտաքին դրան, այլ սուղ ինչ մխիթարեցան 'ի վերայ կանթեղաց և այլոց իրաց՝ զորս գրեցաք՝ և նոքա եւս ոչ եղեն յարատեւ, որպէս ունիմք գրել 'ի ստորեւ : Սակայն ոչ թուլացեալ դադարեցան 'ի խնդրոյն . զի մեծաջան վաստակօք զհետ մըտեալ էին կամ վերստին ստանալ զայն բանալի, և կամ բանալ դուռնորոյ կից նմին, որոյ տեղին նշմարի, և միայնակ սեփհականեւ զհիւսիսային դուռն . զի Յոյնք առ չարութեան երբեմն աղխէին զայն 'ի յետուստ . վասն որոյ 'ի ձեռն Դատաւորին ետուն գրել 'ի Դուռն, և ինքեանք եւս առ գլխաւորս ազգին, զի հնարս գտցեն ազատել զմիաբանս և զուխտաւորս 'ի թշնամանացն Յունաց, Եհաս գիր Դատաւորին 'ի Դուռն . գրեաց եւ Պատրիարքն Կոստանդինուպօլսոյ վասն այսց խնդրոց : Եւ զկնի աւուրց ինչ Փոխանորդն Երուսաղէմի Յովհաննէս Եպիսկոպոս գընաց ընդ նախորդին իւրոյ առ պաշտօնեայն արտաքին գործոց . եկին և 'ի Յունաց ոմանք, ընդ որս էր եւ այրն երեւելի Ստեփանաքի Պէյ . եւ եղև վէճ յատենի անդ վասն դրանց ժամս իբր 2, և հուսկ ուրեմն որոշեցաւ՝ եթէ հաճեացին Յոյնք՝ տացեն Հայոց զմի բանալի արտաքին դրան . իսկ եթէ ոչ, տացեն հրաման Հայոց բանալ զայլ դուռն մերձ նմին : Իսկ յազադս ներքին երկից դրանց՝ ոչ գտաւ 'ի Դիւանս արձանագրութիւն ինչ, ուստի համարեցան դրուռնքն այնոքիկ նորահնար և 'ի վերջոյ բացեալ :